


Xakea

Karpov munduaren gaineratik

Anatoli Karpov munduko 300.000 pertsona menperatu zituen bost orduko xake partida interesgarri batean. Lehenengo aldia da jokalaria bat munduaren aurka aritzen dena Internet sarearen bidez. EUSKALDUNON EGUNKARIAK ere bere mugimenduak gomendatu zituen.



Helsinki Intercontinental hoteletik erantzun zien Karpov munduko jokalarien mugimenduei.


HANNU VIERULA / AP

leek ahaztuko ez dituzten mugimenduak ikusteko aukera izan zuten.

Anatoli Karpov, Munduko 12. Xake txapelduna, Zlatoustin jaio zen, Uraletan, 1951ko maiatzaren 23an. Bere karreraren 140 txapelketa irabazi ditu, eta nahiz eta haur prodigio bat ez izan gaztetatik hasi zen bere dohainak erakusten. 1975ean, Robert Fischerri irabazi zion Munduko Txapelketako finalean eta handik aurrera jaun eta jabe izan zen urte batzuetan. 1985etik 1993ra Gari Kasparov izan zen txapelduna, baina azkeneko hiru urtetan berriro nagusitu da Karpov. Fischer-ekin batera historiako xake jokalaririk onena da, Nazioarteko Federazioak dioenez. Karpoven azkeneko garaipena Vienan izan zen abuztuaren 21ean. Txapelketa honen ondoren, Finlandiara joan zen, besteak beste, atzoko partida ziber-netikoa jokatzera.

Atzo eguerdiko 13:00etan, EUSKALDUNON EGUNKARIAKO ordenadore batetik, Urtzi Urkizuk partidako lehenengo mugimendua proposatu zuen. Munduko mugimendurik hautatuena erregearen peoi zuria aurreratzea izan zen. Karpov, aldiz, bere irteerarik gustukoena egin zuen, Caro-Kann defentsa. Partidan zehar, berdintasuna izan zen une batzuetan, baina azkeneko mugimenduetan errusiarra erraz nagusitu zen. Helsinkiko Inter-

Mugimendu nagusiak



Karpov
1. mugimendua

Mundua: e2-e4

Karpov: c7-c6

Karpov
25. mugimendua



Mundua: h1-h2

Karpov: d8-d1

Karpov
32. mugimendua

Mundua: e3-e4

Karpov: c2-c1



Mugimendu guztiak

	Egunkaria	Mundua	Karpov
1.	e2-e4	e2-e4	c7-c6
2.	g1-f3	d2-d4	d7-d5
3.	b1-c3	b1-c3	d5-e4
4.	c3-e4	c3-e4	b8-d7
5.	f1-e2	g1-f3	g8-f6
6.	f1-d3	f1-d3	f6-e4
7.	d3-e4	d3-e4	d7-f6
8.	d1-e2	e4-d3	b8-g4
9.	c2-c3	c2-c3	e7-e6
10.	b2-b4	Enrokea	f8-e7
11.	c1-g5	h2-h3	g4-h5
12.	c1-g5	c1-f4	Enrokea
13.	b2-b4	f1-e1	d8-b6
14.	d1-a4	a1-b1	c6-c5
15.	a2-a3	d4-c5	e7-c5
16.	d1-d2	f4-e3	f8-d8

J. APEZTEGIA

	Egunkaria	Mundua	Karpov
17.	b2-b4	e3-c5	b6-c5
18.	d1-d2	d1-c2	c5-d5
19.	b2-b3	d3-c4	h5-f5
20.	c4-d5	g2-f3	d5-g5
21.	g1-f1	g1-h2	g5-h4
22.	e1-g1	e1-g1	g7-g6
23.	b1-d1	b1-d1	h4-f4
24.	h2-h1	h2-h1	f4-h4
25.	c4-b5	h1-h2	d8-d1
26.	g1-d1	g1-d1	f4-h5
27.	d1-d7	d1-d4	h5-f4
28.	e2-e3	e2-f1	a8-c8
29.	c4-b3	b2-b3	b7-b5
30.	c4-b5	c4-b5	c8-c3
31.	d4-d1	b5-e2	c3-c2
32.	e2-d1	e3-e4	c2-c1

Erretiratu Erretiratu IRABAZLE

continental hotelean, xakean zenbait adituk beren komentarioak azaltzen zituzten Interneten bidez. Momentu batean, adituek ziotenez, Karpoven pieza beltzak ez zeuden egoerarik hoberenean, baina errusiarra denbora pasan zebilen. EUSKALDUNON EGUNKARIAREN eta munduko jokalarien errege zuria txoko batera joan zen, eta handik ateratzea ezinezkoa izan zitzaion. Txapeldunak eraso egin zien,

eta 32. mugimenduaren ondoren, munduko jokalariek erretiratzea erabaki zuten. Erregina irtenbiderik gabe zegoen, eta bi mugimendutan Karpov xake matea egiteko aukera izango zuen.

Arratsaldeko seiak aldera bukatu zen partida, eta munduko milaka xake zaletu munduko txapeldunaren aurka jokatu zutela konturatu ziren, Interneteko programaren bitartez izan arren.

Bost orduko partidak mila buruhauste ekarri zizkien galtzaleei, baina behintzat piezak lurrrera botatzeko aitzakiarik gabe gelditu ziren. Etxeko xake txikian jokatzen duten hurrengo aldian, zibernetek abantaila txiki bat izango dute. Anatoli Karpov 300 minutuko klase praktikoa eman die.

Urtzi Urkizu

DONOSTIA